

小
草
齋
集

小草齋集卷之十四

陳留謝肇淛

友友曹學佺校

五言律詩三

汪仲嘉過訪匆匆別去率爾賦贈

長干分手後書札兩茫然不覺逢君日風塵又
一年家鄰寒葉寺路出板橋烟別去如相憶天
都鴈影邊

逢鄭翰卿

去年天竺寺俠氣尚依依今日新安道飄零萬
事違交遊貧後盡面目病來非兒女饑寒日狂
夫不肯歸

出楊干寺早行

曙色正蒼茫清溪抱岸長酒醒人怯霧木落鳥
啼霜水浸寒苔綠山凝宿草黃牧童不識客短
笛度橫塘

醉石

危石拱天都臨流卧綠無醒須微雨解歌藉古

藤扶苔擁時深淺雲生乍有無夜來人散盡蘿
月一峰孤

宿軒轅宮

甍借雲房宿仙蹤迹已陳溪聲寒到寺峰影近
窺人竈冷丹砂火苔封玉檢塵鼎湖龍去後何
地可尋真

丞相原寄吳元翰

平生多勝具何事復淹留萬壑啼猿夜知君正
卧游藥從山客買糧學病僧休待我丹成日相

邀坐十洲

宿丞相原

鳥道石峻嶒孤峰一老僧竹樓千嶂月松榻半
龕燈山鬼寒依草溪猿晚附藤霜風眠不穩只
恐夜雲崩

由丞相原至石樓一首

曲磴雲端出晴嵐樹杪來蓮峰看漸近蘿徑剪
初開崖斷牽藤度沙崩抱石迴頽然發長嘯萬
壑暮生哀

看山不覺險已出白雲層猿踞松門卧人緣石
屋登半空無度爲太古有埋冰翹首天闌近何
時拔宅昇

原上客景升

丘壑空憐我烟霞喜得君石樓曾均海竹榻共
眠雲度嶺窮幽徑摩崖識古文新詩與靈藥滿
袖碧氤氲

黃山歸宿湯口程叟家

知君喜客至直我看山歸衣上留青靄燈前話

翠微水聲排戶入霜氣近牀飛相戀仍愁別風
塵此會稀

海陽道中

行役朝仍暮山川斷復連人家楓樹裏官路麥
苗邊寒色孤城雨秋聲半嶺泉天門今夜夢應
得會羣仙

新安雜詩十首

試問新安道淒涼意若何大都常業少只是素
封多商舶年年出倡樓夜夜歌人情吁可怪客

子慎風波

家富寧須織田稀
不解耕灌園多里
婦操筏半山丁
春水平於岸寒垣
峻似城黃昏關竹
戶一片覓雞聲

白馬紫貂裘朱門
盡五侯貧因長聚
訟富爲避交游世
態矜錢布人情厭
蒯緱黃山一片石
差足語千秋

村落多佳麗經年
不事蠶窺人映樓
曲結伴過溪南樹
碍高椎髻波搖小
玉簪自誇夫壻好
強

半是裴談

比屋不知農山村事事慵居民多習賈市女半
爲傭日落催寒杵溪流急夜春相逢無好事端
不似臨邛

纖晉異他鄉能無足稻梁家家村酒白處處薄
糜香竹柱商人宅芒屨少婦粧魚鹽多別業經
歲在維揚

水市居民少山城長吏尊春寒稀出郭日午未
開門謁者真如鬼功曹巧似猿禰生懷片刺磨

滅同誰言

斗杓亭畔宅傳是紫陽居科斗殘碑在丹青古
廟餘松風千壑合羅月半窓虛闕里儀刑在遺
風媿不如

巖鎮繁華地深藏數萬家雪晴初見塔雨漲忽
沉沙近市多駟驢臨溪半狹邪漁人喧夜渡招
客趁枯槎

水落來蘇渡江寒太白橋藤溪隨地圻壘嶺與
天遙雨過收新茗霜深刈黑蕎渚蒲共山蕨處

處可漁樵

將發新安同志諸子來送率爾留別

別酒不成醉關河木葉飛高齋今日雨遊子逼
年歸驛馬嘶難住山城望漸微後期渺無定能
不兩依依

吳翁晉見過

世路已如此誰憐老逐臣相逢殘歲日俱是異
鄉人白髮新詩富青山舊業貧交情吾自見鷹
隼莫相嗔

送江進之改官歸楚

伏枕驚歲暮送君泪滿衣
一官俱失意千里獨思歸
驛騎先花發江帆背鴈飛
洞庭波浪惡轉覺宦情違

送溫觀甫茂才還吳興

春江不可涉勞爾遠相尋
十載爲儒日孤帆欲別心
樹連吳苑暗雲近弁山深
却笑窮愁吏飄蓬直到今

方仲美招飲水亭得西字

負郭卜幽棲朱闌曲倚隄斷橋流水北殘日數
峰西梅蕊當窓亞潮痕接岸齊寧須絲與竹簾
外早鶯啼

送侯師之北征

河梁一相送去住各徘徊才子夷門客春風郭
隗臺柳迎征蓋暗梅撲別觴開二月長安陌看
花醉幾回

塞下曲

生長防邊卒孤城枕鼓鼙天高驕子獵日落敗

軍迷移幕鳥先動銜枚馬不嘶年年桃李月無
鴈到遼西

送僧歸日本

笑指扶桑路連天若箇峰片蘆隨怒浪一鉢縮
饒龍舊衲迎潮洗新夷出島逢邪馬臺下寺東
向幾枝松

懷李季宣

別爾登車後頽然廢嘯歌況兼雲物異其柰客
心何青草春來少黃塵馬去多却思江上路把

手看層波

宿汾水

行役春將暮
風吹楊柳枝
沙多人面困
驛遠馬蹄疲
晚角山城戍
孤烟草店炊
遙遙江畔婦
正是捲簾時

送鄧汝高視學滇南一首

使節霜臺賁
其如絕域何
盤江春鴈少
詔嶺瘴雲多
津吏皆蠻種
門生習緬歌
須令金齒俗
文物似西河

銅柱人南去，昆明水北流。
客程萬里外，古驛亂山頭。
鱗上藏經閣，猿啼校士樓。
遙知懷古處，木落碧雞秋。

得兒女道亡耗二首

春半登車日，庭前執手時。
豈知三月別，便是九原期。
弱骨臨流盡，遊魂逐棹移。
可憐諸女伴，八口命如絲。

衙齋初遣使，遲汝到彭城。
只訝無消息，那知隔死生。
離顏空入夢，乍語錯呼名。
孤客零丁日，啼

烏夜夜聲

家室至

相見不成歡征衣泪未乾乍疑人已少漸覺鬢
俱殘怕問存亡事愁聞道路難小蠻纖似玉差
足慰辛酸

宿淄河

疲鞍投古驛雲口繡滿空庭淄水雙條綠牛山一
片青麥田秋苦雨漁火夜疑星砧杵誰家婦淒
涼不可聽

贈劉五雲孝廉二首

歷山長嘯處誰復識孫登病起時調鶴詩成每
問僧檢書春種樹讀史夜燒燈白雪風流盡看
君得上乘

土牛吾自笑櫪驥汝堪悲同病非今日相逢似
舊時苔深鮑叔里花發女郎祠白社何年結看
雲共杖藜

厭次感事

東方朔故里

鴉啼寒日暮極目涕沾裳暴骨新城堡遊燐舊

戰場三河衰草白千里凍雪黃却羨東方朔全
身金馬旁

河河道中

駐馬聽清笳寒城日易斜亂程愁計里久客懶
思家斷浦冰爲渡荒林雪作花行行殊未已前
路正風沙

人無棣

風雪逢人少魚鹽近海繁遠村寒乞火廢寺午
投餐河入鉤盤斷山圍馬谷昏津梁吾已倦驕

從苦相喧

行部棣州諸邑

天寒飛鳥盡五馬去匆匆雲物二河異流亡幾
縣同井泉沿海苦禾黍受霜空極目氛塵惡虛
傳大國風

渤海道中

河水午不開千里半蒿萊漠漠村烟盡冥冥海
氣來城荒龔遂宅沙沒始皇臺客有歸歎嘆西
風鴈正哀

厭次寄臧晉叔

自笑蓬行者殘年未到家有田皆斥鹵無市不
魚蝦海近頻年水風多盡日沙空懷故人意何
處覓梅花

棣州見月

淒涼霜月色望極使人悲馬上關心處閨中掩
泪時旅腸渾不照孤影幸相隨笛裏關山曲誰
家更爲吹

棣州逢立春

孤客逢春日依稀憶去年醉僧層塔下舞伎百花前歲月隨人事生涯逐世緣風沙徒滿眼回首一潸然

己亥除日

可嘆歡娛日都非少壯心生涯華髮改時事泪痕深塞近春難至沙多晝易陰空懷佳麗地何意未抽簪

庚子元日

岑寂空傳菜蹉跎付積薪九年牛後吏終日馬

頭塵東出葉茨盡西陲羽檄頻草堂梅柳好辜
負故園春

寄汪肇邵

憶昨羈棲地金尊日夜過隔將雲母障醉聽雪
兒歌落絮春城滿閒花古寺多空憐牛馬走歲
月竟蹉跎

春盡鄆城始見桃杏諸花

三月山城路孤村始見花不知春信晚轉覺客
愁賒弱幹猶疑雪芳魂半着沙故園桃李盡腸

斷惜年華

懷潘程恭

君居鳳臺下我滯鵲湖濱
長向風沙夕空懷桃李
春板橋晴駐馬江郭夜
歸人笑殺雞羣更年
年逐後塵

哭黃白仲三首

忽聞良友逝驚失少微
星顏色孤庭月生涯兩
地萍囊餘司馬賦筆絕
換鵝經寂寞吳山夜松
雪自掩扃

歌鳳人誰識懸鵲意自如漸於禪性合轉與世
情疎多病無靈藥長貧有道書敬通操井曰幽
憤竟難舒

瘦骨嶮嶮其飄零亦自悲長安多難後宛水倦
遊時才肯爲天妬狂應與世疑蒼蒼不可問伯
道遂無兒

庚子初度盧縣道中

年年初度日強半客途中笑語人頗異風烟歲
不同杯浮何處綠花憶別時紅世亂官仍拙歸

心托塞鴻

送劉五雲北上

十月清霜重風吹木葉乾
送君從此去易水至今寒
人語孤村戍雞聲晚店餐
窮愁無可贈應待爾彈冠

至日重書

至日他鄉客羈危未息機
閉關人獨語避雪鴈初歸
雲物關河異征求世事非
宦情灰已久不逐一陽飛

東郡迎春

豈意繁華日淒涼轉不堪村歌聲詬曲夷女髮
鬢髮敗屋門多閉寒蔬酒未甘香塵何處起腸
斷憶江南

旱二首

東方風物改四月已炎歊倒海黃河盡行天赤
日驕岸枯眠弱柳地瘠偃新苗時見浮雲起蒼
茫望九霄

邑有流亡戶民無儋石儲樓船愁輓粟關吏稅

商車天意高難問
太情鬱未舒
斗升那得借
空自泣枯魚

讀惟和詩一首

新詩成故物
開卷便心悲
身後名成日
人間論定時
紅顏天亦妬
俠骨世空疑
寂寞千秋意
臨流哭子期

却憶追隨日
先探赤水珠
青雲心自薄
白雪調彌孤
事業名山在
生涯儋石無
何須借
玄晏價已重
三都

送人南還

積水與孤征遙遙片羽程離心對江草殘夢見
鄉城關樹尊前色邊鴻枕上聲近聞商稅急處
處斷人行

銷暑天音

愁向紅塵道耄頭坐北林花從侍女架槐借別
寮陰出郭迎人嬾齋居佞佛深且將流水意一
寄廣陵琴

盡日門深鎖蕭條意自安桃笙三夢熟楸局數

行殘榆筴先秋落蟬聲薄暮寒時聞有公事愁
殺進賢冠

齊中雜詩十首

遷客殊方路愁心未有涯經時無簿牒盡日苦
風沙官舍饒榆葉江城只柳花高樓遙望岱隱
隱見烟霞

粉堞臨官署荒城枕要津吏稀歸院早客到刺
閨頻遠水南通楚斜陽西見秦長安天尺五時
復起風塵

飛閣中天出危樓望嶽低嚴城圍萬竈平楚控
三齊雲樹遙連海江帆曲抱堤無端京洛近驛
馬夜聞嘶

官閒無一事但有送迎勞近郭泉皆苦平沙地
不毛麥苗經雪盡米價入春高病卧蓬蒿滿誰
憐謝法曹

西郊一坏土傳是魯連臺遺鏃莓苔冷孤城烟
霧闌冥鴻高士意躍馬霸圖灰蘋藻年年薦松
風夜鶴哀

六郡繁華地年來事事愁魚鹽皇店稅馬市內
臣收金穴探應遍瑯林積未休有懷空按劒器
近鼠難投

今日清源道蕭條異往年居民家半破行賈市
皆遷列戟中官第輸籌過客船豺狼猶未饜千
里斷人烟

歷下龍門地人亡事已遷樓臺傷異姓旗鼓憶
當年舊事青衣述遺言白雪傳荒墳餘宿草下
拜一潸然

臨淄佳麗地錫履自前朝俗舊懷
輒薄家多煮海饒牛山陵谷變蜃
氣霸圖消昔日談天處處宮閉寂寥

傳聞瀕海上歲歲苦防倭幕府軍
書急樓船水怪多蜃光朝吐市鯨
甲夜翻波近報烽烟息誅求更若何

晚酌花間

偶然成獨酌酌罷復成吟落日柴
門靜微風花氣深蟬聲清遠夢竹
色散疎襟一片藤蘿月應

知遊子心

早秋郊行

閒居驚物候忽已動微涼
積雨孤村白新風一
葉黃晚塘喧鴈鶩秋坂下牛羊無限雲泉意蟬
聲滿夕陽

入秋霖雨彌日忽節使夜至同諸官送迎
跋涉百里悵然口占二首

苦被微官累驅馳只骨存衝泥披露莽投宿向
山村土榻寒難寐銀鞍險易翻不知五斗米銷

盡幾人魂

秋田經雨盡曲岸抱江紆郵卒寒爭渡漁郎夜
問途谷迷依遠燒野宿近棲鳥徒有雄飛想空
慙七尺軀

新甬道中

山路行難盡斜陽望欲昏涼風吹草變急雨逐
人喧野水當官道溪雲暗遠村回看東岳色差
慰倦遊魂

發海曲

翠幃望遙遙征途草欲凋蟲聲依石齒鳥道出
山腰古戍人烟冷荒城海色驕客愁渾似結斗
酒不能消

暮抵蒙陰

東蒙望不極盡日少人行淺草如絃路羣峰一
斗城荒庭寒樹色客枕暮猿聲一曲龜山操悠
悠魏關情

偕青州諸君登駝山二首

不識駝山路千峰列翠屏天連海樹黑日落岱

雲青澗澗餘龍氣懸崖自佛形迥然會心處浮
白莫教停

石室無僧住丹房有鳥啼野園孤郭小雲盡亂
峰低筇杖緣崖轉匏尊逐洞攜呼盧懼未已纖
月竹林西

寄桃葉侍兒

刺桐花下別流落到如今枕上雙行泪燈前一
寸心鴈聲溜水斷雪色穆陵深未卜刀頭日無
勞問藁砧

子愿寄蜀茶并詩賦答

一角綠昌明知君遠寄情香分雪嶺秀色出錦
江清松火山僮構瓷甌侍女擎只愁風土惡何
處覓中泠

征西舊卒

安西二十載百戰解重圍出塞新創重還家舊
業微血腥腰下劒苔繡寄時衣盡日無親識高
原教射飛

夏日閒居二首

赤幘嬾排衙青門憶種瓜鳩啼山閣雨鶯出苑
牆花野絮疑飛雪江雲欲變霞小窓新茗熟歌
枕讀南華

香陌罷鳴珂閒庭任雀羅苔荒初住宅雨漲欲
開河柳色臨城迥蟬聲近水多新詩看不厭時
付雪兒歌

夜坐

獨坐蟲聲急孤燈夜色微繁星臨水動涼露近
階飛白髮愁偏遠青雲願已違十年淹一命轉

覺出山非

對雨懷真州舊遊

桐窓一夜雨江上暑全銷
映葉花逾淨衝泥草
轉驕空堂秋寂寂芳樹晚蕭蕭
無限懷人意離魂不可招

答張幼于

吳門雙鯉至知爾尚離居
漿倩門人賣園教稚子鋤鑠
金心自信懷玉迹應疎
貧賤交難絕嵇生枉作書

聞磬

怨別看銀漢含情出玉房
砧依初上月杵雜欲凝霜
聲入寒雲斷愁隨秋夜長
淒淒相應落遊子共沾裳

秋意

經旬不出戶忽見鴈行斜
寒早秋裝繁風多夜問花
傍山人饋栗向日閣藏瓜
近學頭陀行鳴鐘禮法華

感舊寄侯師之諸子

猶憶鑾江路孤城遶狹邪初爲避地客常過賣漿家松下僧同飯溪頭女浣紗一從登四牡相望邈天涯

秋夜

歲晏蕭條色時危老病身秋闌永夜雨夢見十年人王粲方留楚張儀未入秦條然動歸思不爲故鄉尊

感懷

骨肉悲浮梗生涯困繫匏病多猶有賦門冷已

無交寒樹蟬皆蛻空梁燕不巢任教玄尚白未
許世人嘲

壬寅九日

九日猶爲客三年但憶家且將逐臣泪強對異
鄉花霜情黃相遠風憐皂帽斜登高腸更斷望
不見天涯

冬夜

蟋蟀鳴牀下淒然亂客心孤燈千里夢殘月五
更砧病後人情異愁中俗事侵一從成小草孤

負北山岑

十一月十三日有東萊之行別家室

至日猶行役歸期尚渺然海雲將盡路山雪欲
殘年屬氣寒中失狐裘馬上穿淒涼窓畔月後
夜爲誰圓

肥城早發

戍柝傳猶急星河影未稀馬尋殘月去鴈帶早
霜飛亂後雞聲少寒來酒力微前程有候吏髣
髴辨旌旂

祝阿道中

寂歷孤城暮迢迢五馬過遠嵐時作雨凍水不
成河殘雪臨關盡寒烟隔樹多夕陽渾不駐其
奈歲華何

遣家信

浮生復能幾一別十年餘家計田園薄人情故
舊疎三春雙泪眼萬里數行書白髮高堂暮遙
遙政倚閭

宿靈巖寺

錫杖開初地繩牀宿上方山深雲壓寺殿古竹
穿牆貝葉新經藏曇花舊講堂比丘閒導客隨
意禮空王

石棚

山骨何年斲天門勢可排亂雲棲半壁幾口駐
懸崖馴虎寒同卧饑猿午共齋夜深僧定後霜
月滿苔堦

白雲洞小酌

石壁削崔嵬孤峰鳥道迴厨疑六甲致洞似五

下開谷底陰風吼松間野鬼哀塵蹤應不到祇
許白雲來

靈巖寺二首

一入招提境超然得上乘亂山遙合沓孤塔自
憑陵石洞苔封戶松房竹映燈塵心渾欲盡獨
對白雲僧

飛錫去何年空餘百丈泉臘歸雙鶴下雨過一
龍眠玉甃慈雲度山厨慧火燃還將甘露水洗
盡六塵緣

蛇丘道中苦雨

六月經旬雨蕭然散鬱蒸旋渦衝地入積水齧
城崩野徑添新骨荒田失舊塍客程艱跋涉歸
興杳難乘

送潘汝一別駕還上海

江上北風生猿聲與鴈聲不堪爲客久更送逐
臣行雪色迷淮樹河流接海城故園松竹在且
結歲寒盟

郡城晚望

危城聊一眺雲物易生愁鳥下平蕪夕蘆鳴遠浦
秋河聲寒欲斷岱色晚全收滿目傷心事憑高
涕泪流

送陳叔仁司理擢儀部

風雪暗前麾行裝一鶴隨出分齊郡竹入掌漢
官儀月落趨朝早花深退食遲雲泥從此隔雙
汨落臨岐

在道中

斷鴈燕山北歸鵲濟水西霜凝寒樹重雲合暮

天低敗室民多竄荒祠鬼不棲前林投宿處猿
欲傍人啼

晏起

晏起庭除靜江城風日和無心看鳥雀有泪對
關河臘色先春盡鄉愁傍歲多尊前兒女在隨
俗且權歌

甲辰除日

臘盡柳條紅春歸霽雪融羈心芳草裏殘歲夕
陽中斷鴈齊雲北流澌衛水東獨將枯朽質脉

脉向薰風

無題

輕雲飛洛浦爲雨下高唐向席低迴舞窺簾淺
淡粧月斜時度影風細乍聞香一拍迎郎曲遊
人盡斷腸

春望

且盡杯中物何須駐落暉春隨草色遍鴈背客
心飛十載鄉書遠數行江樹微歸期渺無定坐
令歲華違

元夕感懷

春風懷故里火樹錦雲蒸金粟峰前月閩山廟裏
燈香塵穠似霧綺陌直如繩十載扁舟夢棲遲
竟未能

郊城道中

三月郊城路遙遙百里過人烟村店少野水石
橋多廢館花空發荒林鳥自歌風塵遊已倦吾
意在巖阿

送高君雅茂才南還君雅來金陵訪董宗

相博士不值

問爾今何適飄蓬計已非故人猶未返遊子復
誰依古驛猿聲急秋原樹色稀十年懷土泪相
送一沾衣

乙巳初度

鳳凰臺上月偏照客愁邊鴈足三千里雞棲十
四年一官仍寄寓雙鬢尚風烟對此茫茫水空
令百慮牽

逢臧晉叔賦贈

鑾江樹下別七載亦須臾拙宦無新況貧交有
故吾白雲秋署冷蒼弁晚峰孤何日投簪去相
從泛五湖

同曹能始梅子馬及質甫林茂之集臧晉
叔寓樓

白門新雨霽一笑解離憂淮水環孤寺鍾山到
小樓雲歸川欲暝風動樹先秋夜靜談猶劇疑
從汗漫遊

偕臧晉叔曹能始吳非熊洪仲韋集梅子

馬水閣

恨不逢君蚤何須折柬招攤書青玉案傍水赤
欄橋砧響秋初急潮痕晚未消不堪分手處班
馬夜蕭蕭

乙巳九日送尹恒屈武部歸蜀

豈意登高日翻爲送遠行霜風吹別酒朔鴈逐
歸程雲散匡廬出江寒劍閣橫不知乘傳去負
弩幾人迎

白門贈汪仲嘉

笑指東籬菊相思七度黃別時山下雪到日鬢
邊霜問我官何拙憐君意故長風塵二尺劒且
莫論行藏

余臺郎署中看菊賦贈一首

愛爾東籬下秋容色色鮮客來隨意坐興到擁
花眠寒映中臺栢香分幕府蓮不嫌經過數自
有酒如泉

幽壑誰爲伴餘英自可餐老奴時抱甕傲吏日
憑闌浥露金莖濕凌風翠幄寒夜來香更遠還

向月中看

花燭詩送潘穉恭歸真州

有引

乙巳之夏余入秣陵于時四方同調之士雲
集響應朝夕倡和無何則方子及還閩矣尹
恒屈還蜀矣又無何則梅子馬以之官行曹
能始以歸省行而穉恭亦以嘉禮西歸矣夫
數君子者或王事靡盬空悲行路之難或宦
况棲遲時作故山之夢行色雖壯別恨猶殷
穉恭卜築盤江負笈白下盈盈一水無煩靈

鵲之橋脉脉寸心已切求凰之調維時商飈
漸凜朔氣初凝玉可辟寒珠堪照夜結同心
之帶指誓山河老溫柔之鄉寧知歲月方學
吹簫而引鳳何須祖帳以歌驪凡我同盟共
觀勝事請賦花燭以送蘭橈

新鬢學飛鴉蛾眉扇半遮以郎車上果映妾鏡
中花綠暗鴛衾煖紅搖鳳燭斜朝來看玉臂汗
濕紫雲紗

送吳明遠還莆

握手不成驪樓遲歲已殘病多鄉夢減寒早客
衣單貧賤交情薄風塵行路難不如歸去好九
溆有漁竿

能始以遷計部重入金陵時余將之燕賦
贈一首

拙宦身如燕秋歸春復來猶叅鴛鴦伴重上鳳
凰臺官閣青縑冷除書白牒催相看仍欲別去
住兩難裁

忽得移官報仍迴漢使槎江聲二月雨客夢六

橋花粉壁仙郎署青溪小婦家白門春已老相
對惜年華

小草齋集卷之十四

終

